

17
Q. D. B. V.
DISSERTATIO MEDICA
INAVGVRALIS
DE

LÆSIONIBVS CRANII
A CAUSA EXTERNA
VIOLENTA.

Q V A M
CONSENSV ET AVTORITATE AMPLIS-
SIMI MEDICORVM IN ILLVSTRI ACA-
DEMIA IVLIA ORDINIS.

PRÆSIDE

VIRO NOBILISSIMO ATQVE EXPERIENTISSIMO

DN. HENRICO MEIBOMIO
MED. D. AC PROF. PVBL. MEDICÆ FA-
CVLTATIS DECANO SPECTABILI ET
ARCHIATRO GVELPHICO

DN. PATRONO, PRÆCEPTORE ET PROMOTORE
SVO ÆTATEM COLENDO
PRO LICENTIA

SVMMOS HONORES ET PRIVILEGIA DOCTORALIA IN
ARTE MEDICA RITE CAPESSENDI
PVBLICÆ ET SOLENNI DISQVISIONI SVBICIT
IN MAGNO IVLEO

CHRISTIANVS Richter/
MAGDEBVRGENSIS.

HORIS ANTE-ET POMERIDIANIS

AD DIEM XX. Augusti.

HELMESTADII

Typis HENRICI DAVIDIS MVLLERI Acad. Typ.

MDCCCLXXIV.

Q. D. E. V.
DISECTATIO MEDICA
IN ANATOMIA

LESIONIBVS CRANII A CAVSA EXTERNA VIOLENTA

OPUS
COMPOSITVM ET AVTHENTICVM AMPLI
SIMO MEDICORVM IN ILLUSTRA-
TIONE RECIPIENTIS
P. R. S. D. E.

DR. HENRICO MEIBOMIO
MED. B. AC. PROE. PUBL. MEDICAE PA-
TRIAE RECIPIENTIS
ARCHIAE. OVERHO-
DIEN. PATRONO. P. R. S. D. E. ET PROMOTORE
V. O. R. T. A. T. A. M. C. O. L. O. N. I. A.

PRO LICENTIA
SUMMI HONORIS ET REVERENDISSIMI DOCTORALIS IN
MAGISTRO MEDICAE AUTE CASSANDI
P. R. S. D. E. ET SOLIUS DISPOSITIONIS SYMBOLIT
IN MAGNO V. O. R. T. A. T. A. M. C. O. L. O. N. I. A.

CHRISTIANVS S. D. I. C. T. A. T. A. M. C. O. L. O. N. I. A.
MAGISTRO MEDICAE
HONORIS AUTE ET PROMOTORE
AD D. I. C. T. A. M. C. O. L. O. N. I. A.

RECEPIT
TYP. HENRICI DAVIS WILHELM. A. C. T. Y. P.
C. O. L. O. N. I. A.

J. J.

THESIS I.



Uemadmodum tanti est exercitus
quanti Imperator, ita etiam tanti homo
quanti caput; Hoc quippè intra sanitatis
limites constituto, agrotus reliqua ex mor-
bo impendentia incommoda minùs æsti-
mat. Coeterum ut belli duci perpetuè ab

hostibus struuntur insidiæ, ita & caput spirituum anima-
lium officina à varijs morbis tanquam ab adversariis pe-
titur, ab iisque gravissimè affligitur.

II. Fit quidem hoc ipsum ab alijs quoque causis,
ab *externis* tamen *violentis* quàm maximè. Vis autem ex-
terna incurrit in integumenta capitis communia, peri-
cranium & cranium; quamvis dein reliquæ quoque sub
cranio contentæ partes afficiantur. Cranijs tamen læsio-
nes uti majorem vim requirunt, ita longè periculosiores
esse docet experientia, plurimosque proindè egregios
Medicos in suis scriptis occuparunt, placuitque etiam
mihi de illis agere, quatenus scilicet ab *externa causa vi-
olenta* proveniunt.

III. Cùm autem tam ad naturam ipsius læsionis
cognoscendam quàm prognosin & curationem dextrè
instituendam plurimùm conferat partis læsæ cognitio.
Ideò præeunte *Hippocrate lib. de cap. vulner. cranijs histo-*

riam seu constitutionem naturalem, quantum quidem ad nostrum scopum satis est, præmittam, ut dein de læsionibus ejus ea, quæ dicuntur, evidentius pateant.

IV. Est autem *Cranium* seu *Calvaria* capitis pars superior, operculum referens, notabilis circumferentiæ. *Figuram* naturaliter non exactè hæmisphæricam exhibet propter eminentias, anticam & posticam, ad oblongæ tamen sphæræ similitudinem accedentem.

V. *Substantia* cranij in recens natis est aliquo modo mollior, alicubi cartilaginosa, seu membranosa, imprimis circa suturas, & magis in media & suprema capitis regione, ubi hiatus, quem fontanellam vocant, qui ex osse frontis & syncipitis, magis tamen ex osse frontis, constituitur, & post dentium prurptionem ut plurimum, nunc citius tamen, nunc tardius, coit.

VI. Crassities omnium partium in cranio pro ætate, sexu, regionibus quoque & vitæ genere variare deprehenditur, ipsa verò ossa inter se quoque non parùm variant, quas differentias imprimis nosse Chirurghi debent. In loco illo concursus sagittalis & coronalis suturæ, de quo præcedenti thesi dixi, tenuissimum est os, Temporum ossa, qua adhærent ossibus bregmatis, tenuia itidem sunt, in alijs tamen locis à processibus suis crassescunt. Os occipitis crassum admodum est versus lambdoideam futuram, in quibusdam tamen locis, sed inferioribus & violentiæ externæ minus obvijs, valdè tenue.

VII. *Superficies* cranij est duplex, interna & externa: illa est concava & inæqualis à vestigijs vasorum in meningibus hærentium, quæ illæ cranio adhuc molli, contiguo sibi, impresserunt. Hæc convexa & æqualis crassior alterâ. Meditullio autem gaudet quod calvariam inla-

in laminas, interiorem & exteriorem, distinguit. In quibusdam tamen locis hoc non apparet & spectatur, ubi os simplex, tenue & pellucidum. Non incommode autem loquuntur, qui hoc meditullium pro tertia cranij tabula habent: non enim medulla est, quæ inter laminas illas interiorem & exteriorem continetur, sed sunt cellulæ osseæ, quædam hexangulæ, quædam quadrangulæ, quædam triangulæ, in quibus medulla continetur, eaque sanguinolenta. Sunt enim per laminas deductæ hinc inde arteriolæ & venæ ad illud meditullium.

VIII. Caput verò osseum non ex unico sed pluribus combinatum est ossibus, nempe osse frontis unico, duobus occipitis. Ita enim in adulto plerumque observatur, licet aliquando sutura totum os frontis dividat usque ad narium radices, quam pro sagittalis suturæ productione habent, sed rectius peculiaris sutura vocatur. De ossibus quæ in basi cranij sunt & in interna sede antè locata, ut cuneiforme & cribriforme, quia læsionibus externis ita non sunt obnoxia, hoc loco non agimus.

IX. Cohærent autem hæc ossa *Suturis*, partim propriis seu veris, quæ instar serræ dentatæ coeunt & ossa cranij connectunt, quarum numero tres: *Coronalis* quæ ossa frontis connectit cum ossibus sincipitis. Cui opposita in occipite *Lamdoidea* à figura ita dicta, quæ, à basi occipitis ad utramque aurem obliquè adscendens, ossa occipitis cum temporum & sincipitis ossibus jungit. Tertia *sagittalis*, aliàs *recta* dicta, quoniam per lineam rectam instar sagittæ projicitur per longitudinem capitis inter ossa duo sincipitis. Partim *Spuriis* seu *mendosis*, qualis in temporum ossibus observatur, ubi ossibus sincipitis illa adhærent, haud aliter, ac squama piscium cuti, unde & sutura squamosa dicitur.

X. Veræ autem futuræ uti imprimis à Chirurgo attendendæ sunt, sic & disci facillè possunt. Non eodem tamen semper situ in omnibus craniis deprehenduntur, nunc minori nunc majori intercedente variatione, in variis, præsertim monstrosis. Variant enim situ, variant ipsa structura & cohesionis modo, vid. *Clar. Barthol. cent. 1. hist. 51.* Quamvis verum non sit, quod *Aristotel. l. 1. hist. animal. c. 7. & 2. de part. anim. c. 7.* aliter in foeminis, aliter in viris se habere memoravit. Sutura autem figura exterius cum primis patet, nam in interiori parte cranij per harmoniam potius, quam futuram coisse videntur.

XI. Pereunt verò in multis illæ futuræ, & tum successu ætatis quæ laxiores primum erant, fiunt firmiores, tandem in extremo senio ita obliterantur, ut superius nullum suturarum vestigium, interius vix etiam simplicem illam lineam videas. Contingunt autem illi suturarum coalitus rarius in foeminis, frequentius in viris: in æstuosis quoque locis facilius reperiuntur calvariæ solidæ sine futuris notante *Celfo l. 8. c. 1.* Quod & *Paræus* confirmat, retulitque mihi *Clar. Dnus. Præses omnium Æthiopium crania*, quorum non pauca vidit, sine futuris fuisse. Non omnes tamen futuræ simul pereunt, aliquando una tantum, ut sagittalis in celeberrimi *ICri Baldi* cranio, quod *Papiæ* asservatur, aliquando & quidem cum vel sine illa coronalis. In *Antonio* tamen de *Frankenstein* proceritate corporis sui famoso, cujus hic *scleton* asservatur, omnes desunt.

XII. Memorabile est quod in eodem scelero, circa lambdoidis locum duo conspicua foraminula æquè distantia observentur, quod illustrari videtur verbis *Paræi l. 4. c. 3.* Quibus, inquit, sunt denegata sutura, alio est illis

*illis compendio à natura provisum: nam latitudinis duorum digi-
torum à lambdoide intervallo unum vel duo foramina excava-
vit, per quæ vena puppis in cranium subit: adeò enim ampla
sunt, ut ferrum, quo armanitur adstrictoria ligula, admittant
ut sic liber vaporibus pateat exitus, alias de morte periculum.*
Vertunianus comment. ad lib. Hipp. de vuln. cap. si-
militer scribit, quibus omnino suturæ pereunt, vel duæ, iis non
raro unum aut duo foramina secundum λαμβδοειδῆ in bregmaticis
ossibus apparere valde conspicua. Qui quidem rectè addit:
non raro, dantur enim contraria exempla. Nec video quò-
modo futuris coeuntibus natura tale foramen, quod an-
tea non fuit, in solido osse possit facere, nec tantam tran-
spirationis per futuras video necessitatem, quam urget
Paræus. Hæc verò idem rectè notat, venam puppis ibi
subire cranium, & hinc sunt illa foramina, facta nimi-
rùm ad transmittenda vasa. In Antonij cranio nervos
duos pericranio annexos hic prominuisse, annotarunt
tum temporis Dissectores, ceu habetur in MStis Clar.
Dn. Præsidis. Scribitquè rectè Riolanus p. 467. inter-
dum hujusmodi foramina cum futuris reperiri & se ea sæ-
piùs in vertice observasse. Verum de futuris plura addere,
ad hujus materiæ illustrationem non est necesse.

XIII. De singulis etiam Cranii ossibus, ea quæ a-
pud Anatomicos occurrunt, repetere nolo; in osse fron-
tis tamen Chirurgo imprimis consideranda est cavitas il-
la, vel cavitates suprà nares quæ ad nares hiant. Non
sunt illæ in omnibus æquè magnæ, aliquando etiam in
uno tantum latere, quibusdam planè desunt, sed pau-
cissimis, qui nimirum simi admodum, depressâ fronte.

XIV. Teguntur dein cranei ossa à pericranio, pan-
niculo carnosio, cute ad modum crassa, & non temerè a-
libi in corpore crassiori, sine pinguedine, quibus cuticula
pilique

pilique adhærent. In fronte tamen & occipite muscoli præter hæc integumenta occurrunt, & imprimis in temporibus, quorum situm & in tendinum collectionem chirurgi notare debent.

XV. Contingit jam aliquando, ut cranium lædatur citra vulnus aliquod sensibile, in his exterioribus tegumentis apparens, à re contundente gravi: frequentius tamen ab instrumentis cædentibus & pungentibus exteriora primùm, dein cranium ipsum læditur, imò, quæ graviter contundunt caput, sæpenumerò etiam exteriora illa à se divellunt. Quamvis autem hæc contusiones exteriorum & cutis vulnera in capite periculosiora sint, quam alibi, ideoque Chirurgus diligentiorum illorum curam habere debet, & maturè quoque contusa incidere, ne vitium ad vicinas partes nobiliores serpat, tamen nos ad alia majoris momenti properantes illa intacta relinquemus, in progressu tantum obiter quædam eò facientia inspergemus.

XVI. Ipsius verò cranij vulnera varia admodum sunt, & differentias habent Chirurgis annotandas, quæ oriuntur partim ex natura ossis læsi, partim ex vulneris modo. Et hæc de causa antea dixi notas esse debere chirurgi partium cranei differentias, cum non possint non aliter se habere vulnera circa ossis frontis cavitatem, aliter in osse temporum supra musculum temporalem, aliter quæ in futuris facta.

XVII. Ex vulneris modo variæ oriuntur vulneris differentiæ. Prout scilicet instrumentum lædens vel obtusum est vel acutum, pungens aut scindens, vel obtusum licet, penetrans tamen, ut globulus ex sclopeto aut arcu emissus, vel instrumentum illud majori gravitate aut majori vi fertur. Idem etiam instrumentum obtusum pro

pro ratione cranii recipientis vel mollioris vel durioris aliter agit. Ne nunc de differentiis ratione magnitudinis & profunditatis dicam.

XIIX. Hæ ex modo vulneris differentia à quibusdam imminuuntur, ab alijs augentur. Sub quinque modis jam olim *Hippocr. lib. de vulner. cap.* comprehendit, addens tamen, uniuscujusque modi species plures esse. Ex *P. Aegineta l. 6. c. 90* quoque Græcorum distinctiones discere licet. A Barbaris Chirurgis nova indita nomina sunt, quæ lectorem sæpè non parum suspendunt. Nos Hippocratem loco citato, quum magis utiles recensuerit, quinque nempè *ῥωγμὴν*, *θλάσιν* seu *φλασιν*, *ἔσφλασιν*, *ῥόθεν* & *ξυμφορὰν*, h. e. fissuram, contusionem, depressionem, sedem & infortunium, sequemur, addituri ubi aliquid necessarij omissum videbitur.

XIX. *Ambros. Paræus Chirurg. l. 10. c. 1.* qui fracturam in vulneribus cranei occurrentium satis accuratam tabulam exhibuit dein *cap. 9.* agit de *cerebri commotione* seu *concussione*, quæ pariter à causæ externæ violentæ incurfu fit. Quamvis autem hæc commotio cerebri ad vulnerum cranij species non pertineat, cum sapissimè, nulla in cranio læsione apparente, illa contingat, tamen vulnera cranij, illa præsertim, quæ ab obtusis rebus fiunt, valdè frequenter sequitur, ut de illa hoc loco agere non inconveniens sit. Est nimirum sæpè cranei os in eo loco in quem ictus incidit robustius quam ut findi, frangi que possit, interim tamen in vasis cerebri & capitis tanta fit commotio, ut sanguis ex vasis suis evacuetur & vel foràs per nares auresque prorumpat, vel ad latus in cerebrum alicubi deponatur. Collegit in hanc rem varia egregia exempla *Schenckius in observ.* suis ex Alvaro Nonnio ad Arceum, Coitero alijsque, ubi sanguis in cere-

bro extravasatus, repertus post mortem fuit, nulla in crani ossibus extante læsione. Ita qui nuper observationes Medicas edidit *Binnigerus cent. 5. observ. 27.* in homine in sinistris temporibus palo graviter ictus & postridie mortuo nullam in cranio læsionem, sed tres circiter uncias coagulati & nigri sanguinis ad lateralem ossis sphenoidis sinistri cavitatem invenit. Neque verò videtur improbabile, etiam citra hanc sanguinis in cerebro extravasationem à cerebri concussionione posse gravissima symptomata & ipsam tandem mortem oriri, etiamsi rationem non ita promptè reddere possimus. Neque enim semper sanguinis illa extravasatio post mortem deprehensa est.

XX. Ex his explicari debet historia illa de virgine viginti annorum, Nerei filia, cujus *Hippocr. 5. epidem. sect. 24. §. 3.* meminit, quæ cum ab amicâ muliere ludente manu quoad sinciput esset percussa, gravibus obortis symptomatibus nono die obiit. Simile exemplum de quodam, qui alapâ acceptâ apoplecticus interiit refert *Benivenius lib. de admir. morb. caus. 100.* Quomodo autem in commotione cerebri perire non loquela tantum ex *aph. 58. sect. 7. Hippocr.* sed & auditus & visus soleant, egregiè pluribusque exemplis nos docet *Fabric. Hildanus Cent. 1. obs. 12. c. 2. Observ. 7, 9. cent. 4. obs. 5. & Cent. 5. obs. 8. Confer. Hippocr. Coac. sect. 12. aph. 2.*

XXI. Et *Pavvius* quidem *comm. in Hippocr. de vuln. capir.* hinc vulnera bregmatis periculiosiora judicat, quia concussionem cerebro tam faciliè inducunt. Verba ipsa quia elegantia sunt, adducam *p. 51.* Hic locus, inquit, perpendicularis & rectilineus cum sit subjecto cerebro, ictus hinc evenientes in se recurrunt ac veluti duplicati tremulo motu quatuor concurruntque quæcumque intra cranium sunt, ipsum dico cerebrum.

cerebrum, ventriculos, plexum choroidem, nervorum initia, ipsos animales spiritus, unde non rarò mentis percussio, & poplexia, venarum cerebri disruptio, aliaque periculosissima mala. Et sicut solares radij, quò perpendiculares magis subje. Etis locis, eò efficacius agunt: pilum quoque terra si allidas, al. tius resiliere videbis, quam obliquus si fuerit jaetus. Eodem hic fit modo.

XXII. Sed jam vestigiis Hippocraticis insistentes videamus læsionum cranij species. Primò est *ρήγξις* seu *fissura*: in hac accidit ut findatur cranium cute ad sensum integra manente à re gravi contundente non acutâ, quo pertinet capitis allisio. Est autem fissura varia, longa, brevis, incurva, recta, profunda, superficialia, fracturam conjunctam habens aut non &c. Sed illa differentia imprimis consideranda, quod quædam fissura conspicua sit & evidens, quæ diducta cute oculis conspici specilloque tangi possit. Alia verò sensui non obvia statim, summam pervadens laminam, eamque unam ferè tantum, capilli latitudine. Vnde, sicut Anatomici capillaria vasa vocant tenuissima illa & sensum penè fugientia, ita à Græcis hæc fissura capillaris dicta est *ρηγισμός* vel *ρηγοειδής ρωγμή* apud *Æginetam* l. 6. c. 90. Et per tales tamen capillares & subtilissimas rimulas delabi sanguis ad meninges potest. Vide exemplum apud *Franc. Arcaum* l. 1. c. 2. p. 13.

XXIII. Deinde & illa differentia notari meretur, quod quædam fissura transeat utramquè tabulam & in longum se extendat cum maximo cranij hiatu, vel cum vel sine læsione meningum & cerebri. Cujus posterioris fissuræ exemplum *Nic. Massa* tom. 2. ep. 5. annotavit, ubi quidam ense percussus fuit in parte sinistrâ capitis inter futuram sagittalem & mendosam cum incisione ossis & panniculorum, ut manifestè substantia cerebri incisa inspicere po-

ruerit. *P. Marchetti* refert vulnus in parte capitis mediâ famulo inflictum æquans longitudinem totius capitis, penetrasse usquè ad corpus callosum *lib. observ. c. 4.*

XXIV. In alia verò fissurâ externa diplois manet integra, interior verò rimam contrahit. Animadvertit hoc in equitis alicujus viri bregmate isti capite post mortem *Paraus l. 9. c. 8.* In posteriori parte capitis in nobili *Fallopini comment. in Hippocr. lib. de vuln. cap. 13.* sed de hac re postea ubi de contrafissura.

XXV. *Θλαίσις* *contusio* seu *collisio* Hippocrati est, cum os quidem contunditur, colliditur, premitur (hoc enim denotat vox *Θλαίω*) de cœtero tamen in suo statu manet & nulla colliso offi se rima jungit. Forinsecus igitur & quoad sensum nulla in osse apparet solutio continui, quamvis in ipso forte contuso osse aliqua sit obscura sensibus non perceptibilis, de qua non loquor. Interim tamen os in se coactum deprimitur & hoc sensibus obvium est, potest què a tangentibus ac intuentibus fovea seu lacuna exterius deprehendi.

XXVI. Fit autem talis cranij contusio à re gravi obtusa: non in omnibus tamen cranijis potest contingere, sed talibus quæ mollia, ductilia sive depressilia non autem fragilia sunt. Sicut videmus in vasis contingere, vitrea quidem & fictilia cocta frangi & comminui, stannea verò plumbea, argentea, cuprea aut etiam figulina nondum cocta ab eadem re contundente introcedere & deprimi. Contingunt ergò hujusmodi contusiones in infantibus pueris & foeminis tenerioribus si ex alto cadant graviusquè aliquâ re percutiantur. Cum autem durities cranij in omnibus individuis non æquè citò observetur, dici quidem non potest, quoto ætatis anno collisio fieri adhuc possit: nam *Fabric. Hildanus c. 3. observ. 21. &*

Marz.

Mart. Bogdanus observ. med. 9. decimo ætatis anno factam depressionem sine fractura memorant, Et Jac. Ber. Carpus de fract. cran. c. 10. p. 61. scribit se vidisse compressionem magnam & notabilem in alia ætate quam pueritia, ubi non erat fractura ossis manifesta, erat tamen concavitas in capite notabilis; quo facit exemplum ancillæ 30 annorum apud Scultzeum. in armam. chir. observ. 37.

XXVII. Cum hac in aliquibus convenit, in aliquibus discrepat, quæ tertio loco Hippocrati proponitur *ἐσφλάσις depressio, introcessio*, quando telis obtusis, lapidibus, fustium ictibus vel ex lapsu, ad rem duram, obtusam capite allidente, os cranij abrumpitur ab alio osse, fractumque intrò truditur & sub limbo sive ora ossis vicini integri hæret. Et ita hæc læsio constat ex fissura & collisione simul.

XXIIX. Hujusmodi jam *ἐσφλάσις* variæ iterum sunt. Interdum enim introcedit cranium & in medio depressionis rima vel lata vel angusta est, interdum rima ad latus depressionis. Sæpè comminuta ossa vel ad tactum mobilia sunt. Nunc majores quoque nunc minores sunt depressiones, ideòquè cerebrum cum membranis magis minusque afficiunt, undè etiam symptomata plurimum variant. Vide exempla apud *Horst. l. 2. observ. 1. Heur. ab Heer. observ. 22. Petr. Marchett. observ. chirurg. prioribus. Confer. P. Pavvium ad Hipp. p. 95. ubi ἐσφλάσις species ex vario situ fragmentorum ossis egregiè explicat.*

XXIX. Non semper autem utrique laminæ vestigium seu fovea imprimitur, sed interdum exterior salva, interior depressa & rupta est. Quod in milite notavit *Schultzeus armam. chir. observ. 14. ubi circa futuram lamdiformem cranij exterior lamina salva, interior depressa & læsa, rima tamen occulta fuit.*

XXX. Frequentissima est calvariae læsio, quæ cum cutis & pericranij vulnere telum cranio ita insidet ut impressum ipsius vestigium retineat, unde *Sæpè*, quibusdam interpretum *Sedes* alijs *vestigium* dicitur. Penetrat autem ejusmodi vestigium vel per totum cranium hoc est per omnes ejus laminas vel per superficiem tantum. Et quidem vel punctim fiunt vel cæsi ejusmodi vulnera. Cum vestigium vel unam vel plures laminas penetrat, læsione per acutum instrumentum facta, *Punctura* dicitur, cujus exemplum habet *Sculter. obs. 18.* Acuta enim instrumenta vi osseo cranio impacta, illud à lateribus comprimunt & penetrant, ratione virium imprimantis, vel per unam vel per plures laminas imò ad ipsum cerebrum usque, quale exemplum superiori anno in infante 18. mensium vidit *Cl. Dnus Praeses*, cui clavus in caput adactus ad ipsum usque cerebrum majoris articuli digiti longitudine, oborto abscessu, felici tamen eventu.

XXXI. Quando autem cum cutis & laminarum incisione lato acutoque instrumento particula cranij auferitur id etiam sedis species est, & quoniam vulnus tam æquale & glabrum ac si dolabrâ arte complanatum fuisset, dicitur *dedolatio* cujusmodi videre & mederi contigit *Scultero l. c. observ. 17.* in Patritio Vlmenfi cui cutis cum cranio ad magnitudinem thaleri imperialis abscissa erat. Talis autem portio ossis vel vicino ossi adhuc cohæret, vel ab illo planè distracta, cuti tamen musculosæ adhæret ceu annotavit *Paræus l. 9. c. 7.* Huc pertinet quoque cum glande è tormento emissa portio quadam superfici ei cranij auferitur.

XXXII. Et hæc sedes simplex est, dantur autem sedis varij adhuc modi compositi, quos ad tres reducere licebit. In simplici sede ita os impressum vestigium à telo

relo retinet, ut nec protendatur longius nec contrahatur brevius: duabus autem de causis hic varietas contingit, primò ratione teli lædentis, deinde ratione ossis vestigium recipientis; si enim telum hebetius sit & retusum, calvaria verò solida, non simplex tantum fiet incisio, sed prætereà rimam os contrahet: sin calvaria mollior hoc modo percutiatur & incisio fiet, & simul collisio seu *ελάσις*: si calvaria medio modo se habeat inter durtiem & mollitiem, præter sedem & findetur os & collidetur. Compositæ igitur sedis primus modus est ex sede & rima, secundus ex sede & collisione, tertius ex sede, rima & collisione.

XXXIII. Denique contingit aliquando, ut *alia parte quam ubi plaga est atque os nudatum est* læsio facta sit, vocatur Hippocrati *ξυμφυσή, infortunium*. Cujus nominis rationem indicat Hippocrates & explicat *Sennertus prax. l. 1. par. 1. c. 23*. Latinis quibusdam dicitur *Resonitus* aliis *contrassura*: de quo modo læsionis cranij non parum controversitur, & quid intelligendum sit per illud, *ἄλλης κεφαλῆς*. Celsus l. 8. c. 4. vertit *altera*. Solet, inquit, etiam evenire ut altera parte fuerit ictus, & os altera fiderit. Sæpè nimirum contingit, ut quamvis in externam tabulam cranij ictus incidat non tamen in illa læsio observetur, sed in interna, ceu jam tum suprà dictum & exemplis declarant *Pavvius in Hippocr. de vuln. cap. p. 108. Ioh. Matthæus relat. 7. Paræus l. 9. c. 8*. Sæpè utraque tabula integra rumpuntur venæ & arteriæ sub eâ parte cranij vid. exemplum apud *Amat. Lusitan. cent. 3. curat 100*. Et hæc quidem quotidie fieri imò in opposita quoque ictui parte aliquando vasa rumpi concedunt omnes Medici, ideoque si Hippocrates & Celsus hujusmodi casus infortunij nomine intelligant, nulla lis cum Hippocrate est, & nemo

& nemo est qui fieri negat id quod Hippocrates dixit.

XXXIV. Verum aliter ab alijs accipitur Hippocrates, ac si id voluisset, quando in unum os capitis ictus incidit, in alio fissuram apparere, ut fronte icta, sed manente integrâ, findatur occiput, aut contrâ, aut vulnerato tempore dextro findatur oppositum & contrâ: Tale enim *Ἀπύχνημα* dari negavit jam tum olim *Paulus Aegineta* l. 6. c. 90. quem ex recentioribus non pauci sequuntur.

XXXV. Quicquid autem sit de Hippocratis sententia (quia enim generaliora verba sunt, liticulæ ansam dare possunt) illud jam quæritur an tale *Ἀπύχνημα*, talis resonitus, detur? Qui affirmant ad experientiam provocant, rei verò possibilitatem exemplo à vitreis vasis desumpto probant. Nolunt tamen intelligi semper locum rectâ oppositum, sed vicinum quoque, ut *Pavvius* vidit ictum bregmatis os sinistrum qua *Lambdoidi* jungitur, fisso sincipitis osse dextro idque prope bregma: aut, si, ut *Paræus* loquitur, parte alterius ossium bregmatis quæ est ad futuram lambdoidem icta, fissa altera sit, quæ est ad coronalem, *Marchettis obser.* 15. exemplum habet vulneris in fronte ad mediotullium usque lethalis, in quo post mortem deprehendit hiatum futuræ lambdoideæ, additque hæc verba: *cui similem casum me nunquam observasse memini, licet contra fissuras in multis calvaria parvibus viderim, non tamen in futuris, quanquam earum apud auctores proferant exempla.*

XXXVI. Qui negant, itidem ad experientiam provocant, rationem verò etiam adducunt, quod osse per futuram diviso non possit ab uno osse ad aliud resonitus ille fieri. Ad experientiam verò aliorum dicunt tale quidquidem ab illis potuisse observari, ut in aliam partem

tem ictus inciderit, in alia læsio fuerit, sed nondum satis constare, quod illa læsio, ab illo ictu & non potius ab alio fuerit, ceu pluribus disputat *Beringarius de fract. cran. c. 2.* In hanc rem quoque nuperus scriptor *Dimetbrockius anat. l. 9. c. 4.* Has, inquit, contra fracturas strenuè negat *Gabriel Fallopius de cap. vulner. c. 13.* & rem probat non tantum *Galenii*, *Pauli* aliorumque auctoritatibus, verum etiam propria experientia, scribitque se centies & pluries capite percussos vidisse, nunquam tamen contra fracturas invenire potuisse. Experientia *Fallopij* etiam nostram adjungimus, qui in castris non centies, sed ducenties & pluries hujus modi capite graviter percussos milites, præcipue equites, tractavimus, nunquam tamen ullam contra fissuram observare potuimus, interdum quidem fissuras in utroque latere invenimus, sed in iis solummodo quibus caput utrinque percussum fuerat.

XXXVII. Verum quamvis aliquando locum id habere potuerit, ut duo diversi ictus adfuerint, tamen de omnibus id dicere & omnium observantium diligentiam in dubium vocare velle, nimis videtur temerarium. Notum verò etiam est pro affirmante unum exemplum sufficere. Nec ratio à futuris petita firmiter satis concludit. In cranio quidem duro solido & sine futuris facilius contingere resonitus poterit, non video tamen cur non etiam in alio possit contingere, cum futuræ non tam impediunt *ἀνίχνα*, quam fissuræ in osse uno factæ ad alterum os transitum, id quod longè aliud est.

XXXIIX. His de differentiis fracturarum præmissis, jam videbimus porro ea, quæ læsis accidere solent, ut historiam integram habeamus. Illa tamen symptomata pro diversitate læsionum, & magnitudine vehementiæque earundem variant, ideoque nos primò in genere ea
C enumerat.

enumerabimus: ubi enim de causis eorum, & de diagnosticis signis agemus, facillè patebit quæ cuique læsionis generi symptomata peculiariora sint.

XXXIX. Præter autem alia symptomata omnibus vulneribus communia, ut hæmorrhagiam, dolorem, inflammationem &c. hic peculiariter occurrunt, vertigo, obmutescencia, collapsus, convulsio, epilepsia, apoplexia, paralytis, carus, delirium, vomitus bilis & adsumptorum, sanguinis ex naribus & auribus proruptio. Ad sunt autem illa symptomata vel statim in initio cum ipso ictu, vel deinde superveniunt.

XL. Videri autem alicui mirum possit, quomodo tam gravia symptomata à cranij læsione possint oriri. Os enim tantum est & tegumenti causa factum, nec patet unde tanta vitæ ipsi insidiantia symptomata soluto in eo continuo profluant? Sciendum verò, cum cranij læsione sæpè conjunctam esse cerebri ejusque partium læsionem, aut verò cranium affectum afficere dein per consensum cerebrum.

XLI. Cum enim sub cranio statim cerebrum cum suis meningibus situm sit, & in dura meninge sinus sanguinis magnam copiam vehentes, in penetrantibus cranei vulneribus & hoc & illi lædi possunt, quale exemplum de sinu falci formi dissecto habet *P. Marchetti observ.*
4. Quid verò mirum magnam tum copiam sanguinis effluere, cum per illos sinus sanguis omnis cerebri ad cor redeat.

XLII. Jam tum verò suprà etiam dictum est de concussione cerebri, quæ quàmvis aliquando citra læsionem cranij contingat, cum illa tamen frequenter conjungitur, & probabile est, magnam partem gravissimorum symptomatum, certè eorum, quæ mox ictum sequuntur

non

non à cranij latione, sed cerebri concussione oriri. Difficile quidem dictu, quid in illa concussione cerebrum patiat, certum tamen est apud Medicos longo usu edoctos gravissima ab ea mala oriri. Et quod cerebri per instrumentum compressio apoplexiam possit inducere exemplis ex *Rhase & Rabbi Mose* docet *Carpus de fract. cran. cap. 10. p. 60.*

XLIII. In illa tamen concussione exit sanguis quoque ex vasis cerebri, uti etiam in fracturis cranij ex medullio sanguis prodit & per fissuras ad meninges cerebrumque descendit, putrescente verò sanguine illo cerebrum inflammatur quoque & putrescit, & hinc tùm deliria, convulsiones, epilepsia & mors ipsa.

XLIV. Cum etiam in fracturis cranij magnis quadam particulæ ossis introrsum actæ cerebri meninges pungunt, adque eas & per eas in ipsum cerebrum adiguntur, tum quidem præter dolorem in ipsa parte, convulsiones & Epilepsia contingunt.

XLV. Et hæc quidem symptomata signorum quoque loco sunt, quibus in latentium cranij vulnerum cognitionem deducimur. Nimirum ut non incommodè loquitur *Carpus signorum alia sunt sensibus manifesta, alia præsumptiva.* Solutio enim continui oculis manibusque subicitur, nec latet facilè si à rebus incidentibus & perforantibus sit: ubi tamen à contudentibus, non semper æquè obvia latio est.

XLVI. Quem in locum ictus inciderit, ex colore cutis mutato, tumore, divulsione, relatione agri & adstantium sciri potest, quanquam aliquando æger obmutuit, ubi tamen solent attendere, quorsum ille manum mittat. Tum verò oculis & manibus explorationem facere debet chirurgus, vulnere quoque patente specil-

lum adhibere, aut non patente cutem discindere, ut specillo locus sit, quo levitatem aut asperitatem ossis investigemus; ubi enim ibi asperi quid occurrit, fractum esse os suspicio est: ubi lævia omnia & lubrica, solidum. In suturarum tamen loco quædam naturalis asperitas occurrit, ideoque scire Chirurgus illarum situm, ne cum *Hippocr. l. 5. epid. 2. 27.* decipiatur, exactè debet. Et specillum quidem *Gelsus* vult esse neque nimis tenue, neque acutum, neque nimis plenum.

XLVII. Sunt autem reliquæ fracturæ species non ita difficilis cognitionis, excepta fissura capillari & contrafissura, de qua posteriori etiam *Hippocrates* desperat. Quid igitur hîc agere possit chirurgus, videbo, & primum quidem in fissura capillari indaganda.

XLIX. Cute igitur simul vulnerata, rasorijs & scalpris à *Sculpet. armam. chir. tabul. 6. fig. 3. & seq.* depictis utendum est, ut & fissura pateat, & penetrationis modus sciatur. Sin hæc operatio agro non arridet sed crudelis videtur, *Hippocrates* medicamentum nigrum imponere jubet quod rimæ insinuatum, ejusdem indicium certum præbet. Per *medicamentum nigrum* quid intelligat *Hippocrates* dubium est, atramento scriptorio chirurgi plerumque in exploratione utuntur, id quod alii rejiciunt, quum ob vitriolum acquisiverit mordacitatem, ideoque si ossibus fuerit illitum, & pericranium eo contactum, præcaveri non possit, quin dolores augeantur. Igitur librariorum seu typographorum atramentum, quod ex sola fuligine & oleo seminis lini constat, vel picem, cui rosaceum admixtum, sumunt, ex cuius usu nihil sequitur incommodi, *vid. Arant. in Hippac. de vuln. capis p. 108.* Sed non video, cur scriptorium adhiberi non debeat, siquidem vires vitrioli ab aqua & gumm. arabico sunt

sunt fractæ & dilutæ, imò quoniam integumentorum inflammatio metuenda, eam præcaver, quas vires in atramento scriptorio esse experientia docet, ubi in ambulis adhibetur. Librariorum autem atramentum metui potius posset, si in fissuram immitti debet, quoniam omnia oleosa ossibus sunt inimica, eaque corrumpunt.

XLIX. Quod si nulla oculis sese offert fissura, ex vi tamen ictus, virtute lædenti, vehementiaque symptomatum, fissum os esse suspicamur: *suspicamur*, inquam. Certò enim scire non possumus, cum præsertim gravia illa symptomata non tam læsionem cranij, quam concussionem cerebri indicent. Faciunt autem præterea alias conjecturas Chirurgi. Iubent ægrum funiculum dentibus apprehendere, quem alterâ manu chirurgus tenet, & fortiter extensum manu percutit, sic futurum, ut fridorem aliquem vel dolorem percipiat æger in eo loco ubi cranium læsum. Hac eadem de causa dentes quoque baculo vel clave percutiunt: quin jubent nucum avellanarum aut persicorum testas dentibus comprimere ut frangantur. Verùm *Ber. Carpus p. 163.* hæc signa rectè rejicit, eique consentit *Pareus l. 9. cap. 2.* cum multi fregerint testas nucum sine dolore, in quibus tamen dein magna cranij fissura deprehensa. Et alij non potuerunt hoc sine dolore facere, quibus tamen os non fractum. Potest tamen fortè hoc signum esse certius, si læsio in temporibus aut propè musculum temporalem, qui ad inferiorem maxillam movendum concurrat.

L. Porro, an fissura per totum cranium penetret, hoc modo explorant. Iubent ægrum ore & naribus clausis spiritum fursum adigere, tum enim si rima penetrat, futurum, ut humiditas aliqua per rimam egrediatur. Dum enim hoc modo sanguinis motus aliquantisper

inflaminatur & ad venas ille tam cito non transit, tumor partium & membranarum oritur, propelliturque si quid adest humiditatis.

LI. Indubitato autem nobis fracturam indicari existimant, si emplastris vel cataplasmatibus pars aliqua vel totum caput involvatur, ex *pulver. radic. farin. gumm. zherebinthina* subactis, linteo superinductis, capiti impositis, quibus per aliquot dies relictis, inspiciunt, quamnam pars exsiccata, ibique fracturam delitescere credunt. *Arcæus* qui *lib. 1. c. 5.* talem pileolum per caput abrasis capillis extendendum suadet, multum huic tribuit, & *ceram experimenti rationem* vocat. *Paræus* quoque *l. 9. c. 8.* in indagatione contrasissuræ, de qua desperat *Hippocrates*, beneficio emplastri inveniri posse locum putat, qui trepanandus sit. Verum rectè dubitat *Carpus*. Velenim in fractura sanies jam generata est, vel non. Si nondum sanies generata, potest quidem contingere, ut à vaporibus exeuntibus exsiccetur in loco rimæ emplastrum: at si sanies jam generata, illa per fissuram exire potest & humectare emplastrum.

LII. Interim uti aliàs prudenter Medici in morbis indagandis facere solent, non uni signo Medicus hic fidere debet, & multis concurrentibus majorem habere fiduciam, incipere quidem à rationalibus dein progredi ad sensualia, ut tandem omnibus inter se collatis certi quid determinetur, præstatque hic medicum esse timidum & suspicacem, quam audacem & incuriosum.

LIII. Sed jam *Prognostica* videamus. Non idem autem de omnibus læsionibus ratione *eventus* ferri debet judicium. Siquidem observationes testantur non solum frustra ossis excisa sed & incisiones meningum & cerebri, quas *Hippocr. διακτομῆς* appellat. *6. apb. 50.* illiusque particulæ

ticulæ remotionem mortem minimè intulisse, *Galen. comment. 6. aphor. 18. & 8. de V. P. Forest. l. 9. observ. 36. Horaz. Aug. gen. Tom. 1. epist. 1. Gregor. Horst. l. 2. observ. 1. p. m. 73.* Contra ab alapa illata aliquando mortem subsecutam esse, patet ex th. xx.

LIV. In genere dico, monentibus Hippocrate gravissimisque autoribus & experientia confirmante, nullum capitis vulnus contemni debere, & in læsionibus cranij neminem extra periculum positum autumari debere, nisi elapsis aliquot hebdomadibus, imò etiam mensibus. Et ut in acutis morbis sententia *Coi. 2. aphor. 19.* prædictiones salutis & mortis non omninò certæ, sic etiam in læsionibus cranij quibusdam, contusionibus, depressionibus & contrassura pariter dubiæ sunt.

LV. Attendere autem in prognosticis faciendis debemus ad *ludentem & instrumentum* lædens, tum quoque ad locum qui in capite læsus est. Ubi enim, qui læsit, vir fortis fuit & instrumentum forte, ubi ictus vehemens, ubi vi magna instrumentum adactum, ut globi solent impetu rarefacti pulveris penetrantissimè ferri, ubi ex alto cecidit æger &c. tum quidem magnam factam esse læsionem suspicari debemus, & proinde ægroto quoque, periculum prædicere, quamvis symptomata gravia nondum adsint.

LVI. Locum verò unum capitis præ altero, si læsus sit, periculum vitæ inducere, ratione ipsa colligi potest & experientia docet. Illaque de causa etiam chirurgus ex Anatome capitis constitutio scitu necessaria est. Quo certè durius os est eò minus periculosa sunt illi inflicta vulnera. Circa temporum ossa multa concurrunt, ideoque temporum contusio vel depressio periculo non vacat, sive cum musculi læsione sive non; tamen non semper est lethalis, vid. *Binninger. cent. 5. observ. 50.* Lanionem vulneratum in
parte

parte laterali, cui sectus musculus temporalis cranium & membrana dura cum sede instrumenti valdè amplâ & febre restituit *P. Marchett. l. c. observ. 11.* Et apud *Alex. Benedict. l. 4. anat. c. 24.* exemplum est cujusdam, qui sagitta vulneratus in temporibus, frusto digiti medii longitudine ibi relicto, qui tamen 20 annos supervixit. Confer *P. Pavvium l. c. p. 174. Columb. anatom. l. 1. c. 5.*

LVII. Quæ in ipsis futuris sunt læsiones, periculosiores quoque alijs sunt, quia membrana cerebri dura per futuras ad peri cranium fertur cum vasis, unde facilius inflammatio. Frontis quoque vulnera propè supercilia habent aliquid peculiare, non tam quod periculosiora sint, quàm quod ægrè sanabilia & in ulcera cacoëthea facile transeant, materia in cavitatibus illis frontis putrescente. Vid. *Fabric. Hildan. cent. 5. observ. 2.*

LIX. Ex speciebus fracturarum depressiones cranij seu ἐσφλάσεις cum primis periculosæ sunt; illæ enim a rebus gravibus factæ frequenter cerebrum simul concutiunt, id quod sclopeto plerumque fit. Ita apud *Horst. l. 4. observ. p. 2. observ. 8.* nobilis Legatus Hassiacus sclopeto circa futuram lambdoidem in postica capitis parte vulneratus instar mortui jacuit. Et *Pavvius l. c. p. 139.* vidit quibus globulus plumbeus ex arcu emissus rectâ linea in verticem inciderat, ita ut plumbum cranio infixum hæreret, obisse. Præterea deprimunt cerebrum quoque, & abscedentes festucæ pungunt meninges, unde apoplexiæ, convulsiones, epilepsiæ &c. Contra fissura imprimis inde periculosa est, quoniam non intellecti nulla est curatio morbi.

LIX. Per illas quoque concussionem cerebri externi internique sensus vitium non reparabile sæpè patiuntur. Vidit *Clar. Dn. Praeses* in hac urbe in puella bimula ex casu in terram os bregmatis depressum, unde in utroque oculo

oculo gutta serena orta, eaque incurabilis. In nobili illo Legato apud *Horstium* intellectus, phantasia & memoria abolita fuit, ita ut de novo legere literasque pingere didicerit.

LX. An depressio cranij sine fractura gravia symptomata possit producere, dubium apud me est. *Fabricius* quidem *Hildanus cent. 3. obs. 21.* exemplum affert pueri cujusdam satis ingeniosi, cui circa decimum ætatis annum cranium impressum, cujus curationem, nullis symptomatibus supervenientibus, parentes neglexerunt. Illa autem depressio cranij semper mansit & ex eo tempore primò memoria imminuta dein ingenium obtusum redditum est. Concedit tamen ipse ille, posse puerorum calvarias ex casu deprimi nullis supervenientibus symptomatibus, idque se aliquoties observasse *cent. 3. observ. 5.* quod & apud *Carpum* legere est in aureo *de fract. cran.* libello. p. 61. 64. 317. *Marchett. obs. 9. Bogdan. observ. 9. Lanzverd. append. ad Sculter. observ. 36.*

LXI. Porro prout per vulnera illa multum extra vasatur sanguinis, ita ex eo periculum majus minusque habent. Ipsa magna cerebri vasa, ut sinus, si lædantur notabiliter, propter nimiam hæmorrhagiam mors in propinquo est, & miraculo proximum, quod tale vulnus à *Marchett. l. c.* sanatum fuerit.

LXII. Ratione ætatis periculosiora sunt vulnera infantibus inflicta, præsertim quia epilepsiæ & convulsionnes tam citò superveniunt, senibus quoque, quia illi in apoplexiam proni sunt: neutri autem vires ad gravem morbum sustinendum idoneas habent. Regionis quoque seu aëris ratione læsiones cranij periculosas & lethales fieri quidam contendunt. Peculiariter accusatur etiam aër in quibusdam Italiæ locis, sed testatur *Fallopium l. c.* à se

cranij læsiones quam plurimas variis in locis feliciter curatas. At certè hic in Germania & locis septentrionalibus longè minus periculi habent vulnera capitis quam in calidis locis.

LXIII. De alvi fluxu inter signa vel symptomata vulnerum capitis non memini me quicquam legere in Hippocraticis scriptis, ita tamen de eo Marchettis l. c. observandum quod semper alvi fluxus vulneribus capitis accedens absentibus licet aliis symptomatis cerebri læsi signum sit propter ejus scilicet consensum cum nervis sexti paris, qui orificiis ventriculi adnectuntur, quorum ratione inferius laxatur & alvi fluxus statim succedit. Hi verò ferè omnes moriuntur ob læsum cerebrum parte interna qua in spinalem medullam exporrigitur, ubi nervorum orius. Jam tum verò ante illum Joh. Andr. à Cruce tract. 2. de vuln. l. 1. c. 5. omnes capite vulneratos, quibus diarrhoea aut dysenteria supervenire fuisse periclitatos annotavit, caute tamen loquitur de spontè supervenientibus fluxibus illis, hoc est, non errore aliquo externo ortis.

LXIV. Veritati respondet prædictio Hippocrat. 7. aphor. 14 propter plagam in capite acceptam (ἐκπληξίς) stupor aut (ὠδὴ Φεγώην) desipientia malum, quatenus scilicet dum cerebri fit commotio seu concussio spiritus animales non rectè possunt influere in partes aut etiam inordinatè moventur. Attendendum tamen, an fortè ita vulneratus etiam ebrius sit, nam inde aliquid apoplexiæ simile oriri potest; quod & Medicos & Chirurgos decepit apud Henr. ab Heer observ. 19 putantes attonitum esse ex lapsu & trepanare volentes, qui non nisi ex ebrietate obdormiverat. Neque verò etiam ita periculosum est, si ex ictu statim aliquis incidat in mentis alienationem, cum privatione sensus & motus, si nullum aliud symptoma accedat, ceu rectè

reſtè annotat *Marchettus obſerv. 15.* nam ſequenti die, imò poſt aliquod ſæpè horarum ſpatium, aut facta venæ ſecti-
one, liberari ſolent.

LXV. Instantis mortis indicia petuntur etiam ex i-
pſo vulnere, ſi color illius pallidus, ſubflavus, lividus, labra
ſima, os ipſum aſperum ab eroſione & quodammodo ni-
gricans. Facies quoque Hippocratica tum exoritur & lin-
gua in puſtulas extuberat, vim ſuam ubique exerente,
quæ inflammationis comes eſt, febre.

LXVI. His jam explicatis nihil reſtat ampliùs,
quam ut *Curationem* & medendi has læſiones methodum
proponamus. Habet verò hic abundè quod agat & Me-
dicus & Chirurgus. Ille ut, corpore alterato & purgato,
inflammationes aliaque gravia ſymptomata prohibean-
tur: hic ut manus operâ ſuccurrat, & læſa reſtituat. De
his autem omnibus, adeò pleni ſunt libri ut operæ preti-
um non ſit fuſè exponere, ideoque non niſi ſummatim a-
gam & primaria tantum capita indicabo.

LXVII. Medicus & ex Diæteticâ & Pharmaceuti-
câ auxilia petit, & ad totius quoque ſanguinis rationem
habendam Chirurgiam advocat. Diætæ autem nomine
comprehendo res non naturales vulgò dictas, quorum
pleræque hic attendi debent. *Ærem* & locum frigidum
læſionibus cranij inimicos eſſe noto eſt notius & *Hippocr.*
l. c. laudat temperatum, quod ſi in frigiditate excellit &
humiditate quoque, arte corrigendus eſt. Prudentiores
Chirurgi in inſpectione & deligatione vaſculum carboni-
bus impletum ad manus habent, ut lintea & faſciæ ca-
leſiant & ſimul ipſe aër circumſtans vulnus alteretur. No-
cere tamen non minùs calidus nimis aër poteſt, & in-
flammationes febresque inducere. In *alimentorum uſu*
quantitas & qualitas attendendæ, quoniam ſcil. metus eſt

inflammationis primis præsertim diebus, nec multi *cibi*
nec valdè nutriendi sunt minimè verò calefacien-
tes, ideoque & à tali *potu*, qui calefacit, vino imprimis absti-
nere debet. *Animi affectus* vehementes & perturbationes
uti omnibus ægris & vulneratis nocent, sic multò magis
in capite læsis. Ex omnibus fugienda ira utpotè qua san-
guis nimio plus effervesceat, unde febris. Irà, decimo
quarto à læsione die ab alio ad eandem provocatus, reci-
dit in febrim & phrenesin, & die quarto obiit adolescens
15. ann. apud *Camerar. memorab. medic. cent. 10. observ. 23*
cranio aperto inventæ membranæ undique inflammatae
& vasa turgida. Veneris quoque usus valdè noxius est
vid *Fabric. Hildan. c. 1. observ. 84.* & de omni in capitis vul-
neribus rerum non naturalium regimine sæpius lauda-
tum *Bering. Carpum.*

LXIX. Porro ut temperies partis læsæ conserve-
tur, cum partis ipsius tum totius corporis habere rati-
onem decet, ideoquè sacculos ex herbis cephalicis, *bezoni.*
verben. flor. lil. convall. anthos &c. in vino coctis quibus.
simul vis sanguinem coagulatum resolvendi & discutiendi
inest, adhibebit. Corpus verò clysteribus injectis ab
excrementis liberabit, nec purgationes, habita tamen æ-
gri & circumstantiarum ratione, negliget. His enim fit
revulsio à capite quoque.

LXIX. Imprimis tamen per V. S. revulsio institui-
tur, quam maximè sibi commendatam habere debet Chi-
rurgus, tantò quidem magis, si corpus ægroti sit pletho-
ricum. Cum etiam illi qui læduntur, ut plurimum ab ira
incensum habeant sanguinem, sæpè etiam à potu gene-
roso, ad illum refrigerandum V. S. ut plurimum confert.
Neque verò obstat, quod jam tum in vulneribus capitis
plurimum sanguinis sit profusum, illæ enim in capite a-
pertæ

pertævenæ faciunt, ut sanguis potius ad caput ruat, ideoque alibi in parte remota revulsione causa evacuandus est sanguis, & sic quoque ipsa hæmorrhagia sisti potest. Et quidem institui V. S. quanto ocyus debet. Notum enim quod sanguinis in cerebro extravasatio maximum periculum inducat, vasa tamen sunt ibi tenuia & exilia ideoque non statim magna quantitate effluit sanguis, quod si jam inter effluendum, facta alibi apertione, sistatur, gravissima mala præcaveri possunt. Quæ tamen aliàs V. S. prohibent, ab ætate, viribus &c. desumpta, hic quoque locum habent.

LXX. Chirurgus pro ratione læsionis diversimodè gerere se debet. Fissura externam laminam penetrans vel abrasenda est, vel etiam sine ratione (vide *Sculter. observ. 3.*) pulveribus siccis & linamentis carptis tractanda. Quod & in edolatione ossis locum habet. Cavenda enim imprimis pingua & oleosa, ideoque non unguenta sed medicamenta actu & potentia sicca adhibenda: quin digestivam nimis liquidum idcirco improbat *Fabric. c. 4. observ. 50.*

LXXI. Vbi utramque laminam penetrat fissura, ubi composita est cum ossis depressione, ubi festucæ pungunt membranas, tum major difficultas, cum præsertim in his casibus sanguis quoque extravasari & ex mediotullio cranij supra meningis labi aut alibi se colligere putrescereque soleat & exitum non inveniens, cerebrum ipsum ad putrilaginem deducere. His vero malis medendis excisio ossis excogitata est.

LXXII. Verum cum non tantum crudelis sit talis ossis excisio, sed & melius semper cranium sibi servare integrum, hanc operationem, licet antiquissimam, nonnulli damnarunt: cum præsertim non semper æquè feliciter succedat. In magna Germaniæ parte excisiones ossium cranij sunt insolitæ, imò barbitonsoribus planè incognitæ, quod jam tum *Carpus* annotavit p. 171. Curant autem illi partim potionibus internis exhi-

bitis, partim medicamentis simplicibus & compositis, externe vulneri appositis, quorum beneficio sanies consummatur, evaporaret, exsiccetur, de quibus omnibus prolixè *loc. cit. Carpus*, ubi Judæis potissimum talem curandi modum adscribit, nec audet successus in dubium vocare. Sub finem superioris seculi eo nomine celebris fuit quidam *Appariti* qui oleum quoddam exsiccans habuit, quo capitis vulnera sine apertione curavit & apud Hispaniarum Regem nomen celebre & opes magnas consecutus est. De *Ioh. Baptista Romano* chirurgo errabundo, qui uno balsamo omnia capitis vulnera curavit & intra quatuor annos illo medicamento 20000 scutos lucratus est, vide *Fallopium lib. de vuln. cap.* qui balsamum illum laudat.

LXXIII. Cum igitur utrique experientias suas adducant tam qui excisione ossis utuntur, quam qui non, concedo quidem lubenter, posse citrà excisionem ossis curari, gravia licet vulnera capitis. Et quis hoc neget, cum in magna Europæ parte, trepanationis nomine inaudito, nihilominus quotidie vulnera capitis feliciter curari videamus? ad quod tamen non parum confert ipsius regionis temperies. Ideoque etiam non nimis temerarij in cranio perforando esse debemus. Interim tamen ipsa illa operatio non est damnanda, quæ toties in Italia, Hispania & Galliis adhibita, felici cum successu. Quamvis enim sine trepanatione etiam aliquando exire materia possit, tamen id non facit nisi rima satis patula sit. Quamvis etiam aliquando discutiatur per medicamenta exterius applicata sanguis, tamen id non semper fit, & tutius est egressum illi foramine facto præbere. Apud *Fr. Joël. in Prax. p. 245.* exemplum est cujusdam baculo in capite percussi & attoniti concidentis, cui sacculis ex herbis cephalicis adhibitis grum sanguinis sub calva resoluti sunt & magna copia sanguinis ex naribus profluxit. Non est autem in medici potestate ita sanguinis fluxum dirigere, qui potius, nisi maturè ipsi exitus detur, occidit.

LXXIV.

LXXIV. Modum ipsum os excidendi ex Chirurgis non referam, nec instrumenta à nemine non depicta proponam, quædam tantum circa *locum & tempus* admonebo. Equidem cum materiæ intrus collectæ causa, ut illa egrediatur, fiat, facile patet propè rimam, aut ubi materiam hæere suspicamur, debere institui. Verum natura & constitutio ossis sæpè reclamat. Ossa temporum, frontis, imò occipitis quoque excipiunt vulgò, nec nisi in extrema necessitate trepanant. *Carpus* tamen quoad os occipitis suâ experienciâ pugnat & inanem esse metum, ne foras cerebrum exeat & nervi lædantur, docet. De futuris plerique chirurgi consentientes sunt, in ijs non esse trepanandum. *Carpus* tamen iterum *p. 319.* non admodum metuit in ipsis futuris hanc operationem. Quem sequitur *Ioh. Bapt. Cortesius* in *Hippocr. de vuln. cap. p. 214.* putatque tutò posse in futuris necessitate urgente institui terebrationem. Verum contrà *Cortesius* disputat iterum *Marchettus observ. 16.* & Hippocratem defendit scribitque *se id longo artis usu observasse, quosdam scilicet ab imperitis chirurgis supra suturas perforato cranio septima mortuos esse.* In hac diversitate sententiarum tutius omninò videtur non in ipsis futuris, sed propè eas terebrationem instituere, cum & dentes serratarum illarum futurarum operationem impedian, ne de transeuntibus ibi vasis & fibris quid dicam: quamvis etiam *juxta suturas perniciosam & leibalem perforationem* censeat *l. c. Marchettus.*

LXXV. De tempore excisionis ossis non satis conveniunt Doctores. Sunt qui æstate diem 7, hyeme 14 expectare jubent, sed vereor, ne nimis serum sit tùm auxilium & deinde malus eventus ipsam terebrationem diffamet. Rectius *Marchettus observ. 15.* symptomatibus apparentibus statim id faciendum judicat, cum aliàs pus suppressum patientem interficiat. Imprimis videndum ut viribus adhuc integris fiat perforatio. Potest tamen aliquando contingere, ut diu dilata & tandem

dem instituta trepanatio felix sit, cum materia sub cranio contenta non semper eadem sit, nec æquè citò symptomata inducat. Ita post hebdomadas *Hildanus c. 5. observ. 23.* & post 2 menses *c. 4. observ. 3.* seriùs etiam *Sculetus obs. 13.* perforavit.

LXXVI. De depressione curanda, & festucis membranas prementibus elevandis etiam non agam, cum sufficienter à Chirurgicis scriptoribus proponantur. De depressio tamen ossis, an elevandum sit, an non, aliquid dicam, cum duo celebres Chirurghi *Felix Würtzius* & *Fabric. Hildanus* hìc videantur discordes, quorù prior os depressum non existimat in suum naturalem situm reducendum, sed totum opus naturæ committendum, operationem enim per elevatoria instrumenta ibi esse periculosam: posterior hunc idcirco acriter & operosè refellit, periculo exposito. Verum quamvis ex parte probabilior sit *Hildani* sententia, tamen nec *Württemberg* ita cruda est ac proponitur, si omnia verba consideres. Habet enim hoc *Württemberg* cum alijs multis artis magis usum habentibus, quam literatis, commune, ut melius sentiat quam loquatur. Sententia autem ejus hæc est, in depressione cranij considerandum tum depressionem ipsam, tum fracturam cum depressione conjunctam. Posteriores ipse ait curandam, partesque depressas elevandas: priorem non item, sed relinquendam naturæ, cum etiam sine in commodo fovea ibi esse possit, nisi depressio sit nimis magna. Et hoc posterius suprà quoque cum ex ipso *Hildano* tum alijs contra *Hildanum* adstruxi. Quomodo autem cranij depressum non fractum, in pueris curari possit, egregiè docet *Fabr. Hildan. cent. 2. obs. 5.*

Et hìc quidem meam de læsionibus cranij dissertationem finio, remittens ad celebres commentatores in Hippocratis lib. de vulneribus capitis, *Arantium, Fallopium, Coraesium, Pavium*, item *Jac. Bering-Carpum* & ex recentioribus *Joh. Scultetum in ar-*

mam. Minutissima enim quæque exequi

mei propositi non est.

S. D. G.